

აჭარის ავტონომიური რესპუბლიკის სოფლის მეურნეობის სამინისტროს სატენდერო
კომისიის სხდომის
ოქმი N1

ქ. ბათუმი

17.09.2019 წელი

სხდომას თავმჯდომარეობდა მამუკა თურმანიძე - მინისტრის პირველი მოადგილე, კომისიის თავმჯდომარე;

სხდომას ესწრებოდნენ კომისიის წევრები: რუსლან ქორიძე - მინისტრის მოადგილე, სატენდერო კომისიის თავმჯდომარის მოადგილე; სულხან მოწყობილი - მინისტრის მოადგილე; ამირან თავდგირიძე - ადმინისტრაციული დეპარტამენტის უფროსი; თამილა გაბაიძე - იურიდიული დეპარტამენტის უფროსი; ირმა აფხაზავა - პოლიტიკისა და ანალიტიკის დეპარტამენტის უფროსი; ლელა ონიანი - საბუღალტრო აღრიცხვისა და ანგარიშგების დეპარტამენტის უფროსი; ლია ბერიძე - ბიუჯეტის დაგეგმვისა და ანალიზის დეპარტამენტის უფროსი; ჯიმშერ დიასამიძე - სოფლის მეურნეობის დარგობრივი განვითარების განყოფილების უფროსი.

კომისიის აპარატის წევრები: მაია ტაკიძე - იურიდიული დეპარტამენტის მეორე კატეგორიის უფროსი სპეციალისტი.

სხდომას არ ესწრებოდა შვებულებაში ყოფნის გამო კომისიის აპარატის წევრი თამილა ჩხარტიშვილი - შესყიდვების განყოფილების მეორე კატეგორიის უფროსი სპეციალისტი და საპატიო მიზეზით ჯამბულ ხოზრევანიძე - მინისტრის მოადგილე.

დღის წესრიგი: აჭარის ავტონომიური რესპუბლიკის სოფლის მეურნეობის სამინისტროს 2019 წლის პროგრამის „სოფლის მეურნეობის განვითარება მაღალეფექტური ტექნოლოგიების დანერგვის გზით“ ქვეპროგრამის „ვენახის ფართობებისთვის რკინა-ბეტონის საყრდენი ბოძებით უზრუნველყოფის ხელშეწყობა“ ფარგლებში რკინა-ბეტონის საყრდენი ბოძების შესყიდვის მიზნით გამოსაცხადებელი ელექტრონული ტენდერის სატენდერო დოკუმენტაციის პროექტის განხილვა და დამტკიცება.

მოისმინეს კომისიის თავმჯდომარის მამუკა თურმანიძის ინფორმაცია: მან აღნიშნა, რომ აჭარის ავტონომიური რესპუბლიკის სოფლის მეურნეობის სამინისტროს 2019 წლის პროგრამის - „სოფლის მეურნეობის განვითარება მაღალეფექტური ტექნოლოგიების დანერგვის გზით“ ქვეპროგრამის „ვენახის ფართობებისთვის რკინა-ბეტონის საყრდენი ბოძებით უზრუნველყოფის ხელშეწყობა“ ფარგლებში გათვალისწინებულია მევენახეობის დარგში დასაქმებული ფერმერებისა და აგრომეწარმეების ვენახის გაშენებისათვის საჭირო რკინა - ბეტონის ბოძებით უზრუნველყოფის მიზნით მათი შესყიდვა და თანადაფინანსების პრინციპით (30 % ფერმერის წილი) გადაცემა. ქვეპროგრამის ბიუჯეტი შეადგენს 47200,00 (ორმოცდაშვიდიათას ორასი) ლარს, რომელიც ითვალისწინებს 5000 ცალი რკინა-ბეტონის საყრდენი ბოძების შესყიდვას. რკინა-ბეტონის საყრდენი ბოძების შესყიდვის მიზნით სამინისტროს მიერ გამოცხადებული ელექტრონული ტენდერის (**NAT190016594**) ტექნიკური ხარვეზის გამო შეწყვეტილი იქნა და შემდგომ გამოცხადებული ელექტრონული ტენდერი (**NAT190017622**) არ შედგა, შესაბამისად მიზანშეწონილია ტენდერის ხელახალი გამოცხადება.

მოისმინეს ადმინისტრაციული დეპარტამენტის უფროსის ამირან თავდგირიძის ინფორმაცია: მან აღნიშნა, რომ კომისიის აპარატის მიერ მომზადებულია ელექტრონული ტენდერის ჩატარებისათვის სატენდერო დოკუმენტაციის პაკეტის პროექტი. კომისიამ დეტალურად

უნდა განიხილოს წარმოდგენილი პროექტის ყველა პარამეტრი და დაამტკიცოს მისი საბოლოო ვარიანტი.

კომისიის მიერ განხილული იქნა სატენდერო დოკუმენტაციის პროექტის პაკეტი, მისი ერთიან ელექტრონულ სისტემაში ატვირთვის ვადა, ხელშეკრულების პროექტი და სხვა. დაზუსტებული იქნა პაკეტის ყველა პარამეტრები, განსაზღვრული იქნა სატენდერო წინადადების ფასის კლების ბიჯი (0,5 %) და მიღებული იქნა მათი საბოლოო ვარიანტი.

დაადგინეს:

- საქართველოს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ შესაბამისად განხორციელდეს აჭარის ავტონომიური რესპუბლიკის სოფლის მეურნეობის სამინისტროს 2019 წლის პროგრამის - „სოფლის მეურნეობის განვითარება მაღალეფექტური ტექნოლოგიების დანერგვის გზით“ ქვეპროგრამის „ვენახის ფართობებისთვის რკინა-ბეტონის საყრდენი ბოძებით უზრუნველყოფის ხელშეწყობა“ ფარგლებში 5000 ცალი ვენახის ფართობებისთვის რკინა-ბეტონის საყრდენი ბოძების შესყიდვა ელექტრონული ტენდერის საშუალებით და დამტკიცდეს სატენდერო დოკუმენტაციის პაკეტი.

- ელექტრონული ტენდერი გამოცხადდეს NAT მეთოდით დღგ-ს ჩათვლით და შესყიდვის ღირებულებად განისაზღვროს 47200,00 (ორმოცდაშვიდიას ორასი) ლარი.







- სატენდერო კომისიის აპარატმა უზრუნველყოს სატენდერო განცხადებისა და სატენდერო დოკუმენტაციის სახელმწიფო შესყიდვების ერთიან ელექტრონულ სისტემაში ატვირთვა არაუგვიანეს მიმდინარე წლის 17 სექტემბრისა.

- სატენდერო კომისიის აპარატმა უზრუნველყოს ტენდერების მიმდინარეობის შესახებ ინფორმაციის სატენდერო კომისიაზე ოპერატიული მიწოდება.

კომისიის თავმჯდომარე:

თავმჯდომარის მოადგილე:

წევრები:

	მ. თურმანიძე
	რ. ქორიძე
	ს. მოწყობილი
	ა. თავდგირიძე
	ჯ. დიასამიძე
	თ. გაბაიძე
	ლ. ონიანი
	ი. აფხაზავა
	ლ. ბერიძე
	მ. ტაკიძე

აპარატის წევრი: